

KiMakua - Iphumu Ikhoto Malhove Matakatifu - SW Intro Scriptures

Luka 17:5 Akarumiya nkayeerelha Athithi, “Nnuncherereke nrima.”

ARumi 10:17 Paahi etu, upisha nrima unowa wo wiiwa ntenga, ni ntenga unowa wo uhimiachiya malhove a Kuristo.

Luka 11:1 Nihuku nimoka Yesu aari alhapelhaka vo vekha awe. Amalhiheke, owiittucha awe mmoka nkaamwirelha, “Thithi, nniittuchiheke ni hii ulhepelha, thoko chinre aya Nayohana wo weettuchiha owiittucha aya.”

1 NaTimoteo 2:1-4 Paahi etu, chihinaaya uchokholha chittu chikina, kinothanana wiira unlhepelha Nihuku ni ulhapelha ni waalhapelha attu akina ni unshukuru Nihuku chihimiyeke wo nlhatu na attu onkhaye. 2 Mwaalhapelheke mamwene ni attu avarenlhe ikuru wiira nikhalheke rata ni mpuha ni umwoova Nihuku ni ukhalha makhalhelho ateelhihiye. 3 Ulha phi mwaha woombone unonteelhiha Nihuku Moopolhi ihu, 4 nothanana attu onkhaye oopolhiye achuwelhe ikekhanne.

Luka 22:31 “Nasimoni, Nasimoni! Nkeewani! Nakare naavia nipesha no ulhikachani onkhaye, no uveera imbeyu ni iphepuwa, thoko namalhima chinoveera awe mmuka.

AZakariya 3:1,2 - NaYuda 1:9 Ata Mikaele, nnepa o wiirimu mulhupalhe kheerilhe chiicho, vanne awe ni Nakare wo nlhatu no iruttu ya ashinna Musa. Mena khaalhikanche uchukulha ni unhukumulha Nakare wo unruwana nansho eerilhe “Athithi anene o uchacherekeni.”

Attu o UEfeso 6:12 Ukhawaya khaninaatakana ni ntu o velhaponi, nansho ninaatakana ni mashoka o unanara anotawara irimu, atawara, ikuru ni machiri o ilhapo yo wiipiphini ilha.

Attu o UEfeso 6:10,11 Paahi wo umalhihera, kinowirelhani wiira, mweemelheke rata wo ulhutaana winyu ni Athithi wo machiri aya molhupalhe. 11 Mmwarelheke ikerero chonkhaye chinovahiya inyu ni Nihuku, wiira mweemelhe rata mwiichakihe ni upenya wa Nakare.

Attu o UEfeso 6:13-17 Paahi nkusheke mmwarelheke ikerero chonkhaye Nihuku chinoovaha inyu naananoru! Nihuku nawaakaru, nnowa mwooria uvilhelha chittu cho uhilhoka chinohuvihya inyu ni mmalhaponi, ni mwamalhihaka waatakana ikhoto, nnoweemelha rata. 14 Paahi, mwiichesheke tayari, ikekhanne ikhalheke thoko phi nchako wo wiittuka nnyununi mwinyu, uvarechesha ikekhiaye, ikhalhe thoko phi ikuwo yo yuuma yo wiikhikichera vakhakaachani, 15 nttona no uhimiacha Malhove Orera o mpuha akhalheke thoko phi ikwakwata cho uwara nnyaani mwinyu. 16 Ikatema chonkhaye, upisha nrima ukhalheke thoko phi ichikopa yo ukusha mmathathani mwinyu, mwoorie wiichaakiha nnihomiye miupa cho mooro chonkhaye chinokhuma wa O uhilhoka ulhe. 17 Mumpochereke noopo thoko ichushuru yo yuuma yo uwaakihani. Nihove na Nihuku nikhalheke thoko nijambiya nnovahiya inyu ni Iphumu ya Nihuku.

AEbraniya 4:12 Ukhawaya Nihove na Nihuku nikumi, no machiri, no wiithia,

ninohma mpaka nhina minepa ni mirima chihu thoko uphangwa wo wiithia unothikilha velhi uno ni uno ni umwalhaaniha vanokumaana itturi cho iruttu ni makhura. Tho ninowaalhuwa uchuwelha moopuwelho ni minikwa cho mirima cha attu.

Luka 4:8 Yesu nkaakhulha, “iholhepiya, ‘Mwaathimicheke Athithi, Nlhuku inyu vecka aya ni uvara mitheko chaya!’ ”

Attu o UEfeso 6:18 Nlhapelheke wo ikatema yonkhaye, munlhepelheke Nlhuku o ukavihereni kila ikatema wo uholhelhiya ni Iphumu ya Nlhuku. Wo chiichammo etu, nshiheke wo uhoocha, mwaalhapelhelheke attu a Nlhuku onkhaye.

1 NaSamweli 17:45-47 - ADaudi & AGoliath

Luka 10:17-20 Makhumi saba ni elhi aarumiye alhe nkayaahokolhia, yaari anateelhiye chinene yeeraka, “Thithi, ata mashoka ahoniiwa vaaromonlhe ihu nchina ninyu!” 18 Yesu nkaakhulha, “Kahomwoona Nakare awulhuwaka thoko uverunya ukhuma wiirimu. 19 Mwiiveke etu! Kihohuvahani ikuru, yo unyikalha inwaa ni makharang'andha ni ikuru yo unnyikalha mmalhaponi inyu ulhe, ihik-halhaka ittu cho uhilhoka 20 Nansho nhiteelhiye ukhalhawaya nshoka nihowiwan, nansho nteelhiyeke ukhalhawaya machina inyu aholhepiya wiirimu.”

2 AKorintho 10:3-5 Eiyo, ninokhalha velhaponi nansho khaninaatakana ikhoto thoko attu o velhaponi. 4 Ukhalfawaya ikerero chinovarelha ihu waatakana ikhoto chihu khachihiviwe ikerero cho velhaponi nansho cho machiri a Nlhuku anotanganyacha ingome cha amalhaponi chonkhaye. Ninootanganyacha milhatu cho woothiya chonkhaye, 5 ni ukwanyulha kila itiyelhelho cho wiitihacha cheeshiye wiira chivingane ni uchuwelha wa Nlhuku. Ninoovara mateeka kila irusho wiira chinrumelhelhe Kuristo.

NaMatayo 16:19 Kinowuvahani mittukulho cho Umwene wo wiirimu, chinohalha inyu uttuka velhaponi va chinoottukiya chiicho wiirimu, chinohalha inyu uttukulha velhaponi va, chinoottukulhiya chiicho wiirimu.”

2 NaTimotheo 1:7 Ukhalfawaya Iphumu ivahiye ihu ni Nlhuku kihii yo unoopopiha, mena, nansho Iphumu yo machiri ni yo univaha nrima wo uttunana ni wiitimarikha.

NaMatayo 12:28,29 Mena kahiwe Nakare, nansho Iphumu ya Nlhuku, phi nokiva-ha ikuru yo woomolha mashoka, uhimiechesha wiira, Umwene wa Nlhuku uhooweelhani mwaattiva. 29 “Wo ikekhiaye, khaawo ntu nooria ukelha inupa ya ntu o machiri ni umwaakha nhaku awe, mpaka anttukeke thoko ntu o machiri uyo, vavawo pinohalha awe wooria umwaakha nhaku awe.

Attu o UEfeso 1:13 Ni inyu mwaatti chiicho, mwahokhalha attu a Nlhuku veewilhe inyu ntenga we ikekheni, yaani Malhove Orera anommmwiiha noopo, nkamwanrumelhelha Kuristo. Nlhuku nkookhomani nhuri wo ukhalha attu awe wo Iphumu yaalhehilhe awe,

Mitheko 19:6 Napaolo nkayeesheracha miono vamuruni ni Iphumu ya Nlhuku nkaakhuruwelha nkayaachokholha wulhumacha wo nulhumo nilheto ni uhimiacha ntenga wa Nlhuku.

NaMako 16:15-18 Paahi nkeerelha onkhaye wiira, “Nrweeke velhaponi vonkhaye

mwahimiacheke Malhove Orera wa attu onkhaye. 16 Ntu nohalha urumelhelha ni ubatiiziya nowopolhiya, hinorumelhelha nohukumulhiya. 17 Attu anohalha urumelhelha ayo anovaahiya ikuru yo upangacha ithikineha, wo nchina naka anowa woomolha mashoka o unanara, ni wulhumacha nulhumo nilheto, 18 avaraka inwaa, ama awuriaka ittu iriyoothe yo uhapalha, khinowa yaahopalha. Anoweeshera areta miono ni ureta uyo unowaahiya, anoolhama.”

1 NaYohana 1:9 Nansho narumelhelhaka uwonya wihu, Nlhuku ri o ukhulhuvelhiya ni e ikekhiaye. Nonihiyerera uwonya wihu ni unihapiha ukhuma mu uhilhokani mwonkhaye.

IZaburi 109:17 - NaYakhobo 3:10 Ashilhoko aka khavanorera mmalhakuni nkume malhove o waatotopelha attu moombone ni malhove o waalhava attu. Ashilhoko aka uwaninyu mwaatti ihikalhe chiicho.

Owaahukumulha 16:16 - 2 NaPeturo 2:7,8 Ahoopolha Nalutu, ntu anteelhihilhe Nlhuku, aachukulhelha meetelho a attu ahaalhoha uvara ikekhiaye aapanga chittu cho uhilhoka. 8 Ukhawaya Naluutu apannge chittu cho rera chanteelhihilhe Nlhuku ayo ahoona ni wiiwa chittu cho uwonya chaapanga aya attu yaakhalhana aya munlhokoni mwaya ayo, kila nihuku yaari aachukulhelhaka chinene.

Attu o UEfeso 4:26 Mwarushiyaka nhownye, nkamwaawulhuwa mu uwonyani, ni urushiya winyu uhilhokelhe uthana woothe.

ARumi 14:12 Paahi etu kila mmoka ihu, noowa eevaraanga mwanene wa Nlhuku.

1 NaYohana 2:23 Ukhawaya ntu riyoothe hinonrumelhelha Mwaana naaruna Athithi chiicho. Ni ntu nomwiweelhelha Mwaana noweewelhelha Athithi chiicho.

NaYohana 14:6 Yesu nkaakhulha, “Miyaano phi iphiro, ikekheni ni ukumi. Khaawo ntu nooria urwaa wa Athithi aahivireke uwannyaka.

NaMatayo 11:28-30 Mmweeke uwannyaka mwaattiva onkhaye, nnohuva ni ulhemelhiya misigo va, ni mii kinowiittuwhani. 29 Mwiitukeke nikonkwa naka, nkusheke irusho uwannyaka, ukhawaya mii kiri ntu o maalha ni wiitimarikha munrimani, ni inyu nnova mwaapatta nipuro no wiittuwa. 30 Ukhawaya nikonkwa ninouvahakani mii niri no wolhwaa, ni nsigo kinouvahaakani khulhemenlhe uri pheruu.”

2 AKorintho 6:2 Ukhawaya mu Malhove Matakatifu Nlhuku neera choo, “Ikatema inolhoka Kahowiwelhelhani, Ikatema yo uwoopolhani vaayilhe aya Kahookavihani.” Paahi nkiweke etu! Naanano va phi ikatema yo upochera ikiriri ya Nlhuku Ihelho phi nihuku noombone no woopolhiya!

ARumi 10:13 Ukhawaya Malhove Matakatifu aneera, “Kila ntu nohalha ulhapelha avekelhaka wo nchina na Athithi, nowopolhiya.”

Exodus 20:5 - sin cursed to 3 & 4 generations